

# MUCOCLEAR SYRUP

Ambroxol Hydrochloride (30mg/5ml)

## Apakah yang ada pada risalah ini

1. Apakah kegunaan Mucoclear Syrup
2. Bagaimana Mucoclear Syrup berfungsi
3. Sebelum menggunakan Mucoclear Syrup
4. Cara menggunakan Mucoclear Syrup
5. Semasa menggunakan Mucoclear Syrup
6. Kesan-kesan sampingan
7. Cara penyimpanan dan pelupusan Mucoclear Syrup
8. Maklumat Lanjut
9. Pengilang dan Pemegang Pendaftaran Produk
10. Tarikh kemaskini RiMUP

## Apakah kegunaan Mucoclear Syrup

Ia digunakan untuk penyakit paru-paru yang berkaitan dengan rembesan mukus yang tidak normal dan pergerakan lendir yang tidak lancar.

## Bagaimana Mucoclear Syrup berfungsi

Bahan aktif dalam ubat ini adalah Ambroxol hydrochloride. Ia melancarkan pergerakan lendir dengan mencairkan kelikatan dan mengurangkan mukus untuk membantu penyingkiran serta melegakan batuk.

## Sebelum menggunakan Mucoclear Syrup

### - Bila tidak boleh menggunakan

Jangan gunakan Mucoclear Syrup jika anda hipersensitif kepada ambroxol hydrochloride ataupun mana-mana bahan kandungan lain seperti yang dinyatakan pada akhir risalah ini

### - Sebelum mula menggunakan Mucoclear Syrup

Beritahu doktor anda sebelum mengambil ubat ini jika anda:

- Menyusu badan
- Hamil

### *Mengandung dan penyusuan bayi*

Beritahu doktor anda jika anda mengandung, merancang untuk mengandung atau menyusukan bayi.

Ia tidak disyorkan untuk wanita hamil dan ibu menyusu kecuali manfaat yang dijangka melebihi potensi risiko.

### - Jika mengambil ubat-ubat lain

Terdapat beberapa ubat yang boleh berinteraksi dengan Mucoclear Syrup. Adalah penting untuk memberitahu doktor atau ahli farmasi anda mengenai semua ubat-ubatan yang anda ambil, termasuk yang diperolehi tanpa preskripsi doktor.

Maklumkan kepada doktor atau ahli farmasi jika anda mengambil antibiotik seperti amoxicillin, cefuroxime, erythromycin dan doxycycline.

## Cara menggunakan Mucoclear Syrup

### - Berapa banyak harus digunakan

Pengambilan Oral

Dewasa : Pada permulaan pengambilan sirap 2 sudu kecil (10ml) dua kali sehari, kemudian dikurangkan 1 sudu kecil (5ml) tiga kali sehari.

Kanak-kanak berumur lebih dari 5 tahun: 1 sudu kecil (5ml) tiga kali sehari.

Kanak-kanak berumur 2-5 tahun: separuh sudu kecil (2.5ml) 3 kali sehari.

Kanak-kanak berumur sehingga 2 tahun: separuh sudu kecil (2.5ml) 2 kali sehari.

### - Bila perlu digunakan

Gunakan Mucoclear Syrup apabila diperlukan dan mengikut preskripsi doktor.

### - Berapa lama perlu digunakan

Ia adalah penting untuk mengambil Mucoclear Syrup sehingga tempoh yang ditetapkan oleh doktor.

### - Jika terlupa menggunakan

Ambil dos yang tertinggal sebaik sahaja anda ingat. Jika ia hampir masa untuk dos seterusnya, tunggu sehingga itu untuk mengambil dos tersebut dan tidak perlu ambil dos yang tertinggal. Jangan ambil dos berganda untuk menggantikan dos yang tertinggal.

### - Jika menggunakannya secara berlebihan (terlebih dos)

Hubungi doktor anda dengan segera atau pergi ke Jabatan Kecemasan hospital terdekat, jika anda atau sesiapa terambil dos berlebihan. Ini perlu dilakukan walaupun tiada sebarang kesan keracunan atau rasa tidak selesa. Anda mungkin memerlukan perhatian perubatan segera.

## Semasa menggunakan Mucoclear Syrup

### - Perkara yang perlu dilakukan

- Ambil ubat anda seperti yang diarahkan oleh doktor anda.
- Beritahu semua doktor, doktor gigi dan ahli farmasi yang merawat anda bahawa anda mengambil Mucoclear Syrup.

- Beritahu doktor anda dengan segera jika anda mengandung semasa mengambil ubat ini.

### - Perkara yang tidak perlu dilakukan

- Jangan berhenti mengambil ubat kecuali dinasihatkan oleh doktor anda.
- Jangan mengambil sebarang ubat baharu tanpa berbincang dengan doktor anda.
- Jangan berikan Mucoclear Syrup kepada orang lain, walaupun mereka mempunyai simptom atau masalah seperti anda.

### - Perkara yang perlu diberi perhatian

Berhati-hati apabila melakukan aktiviti yang memerlukan kecerdasan mental seperti memandu kereta atau mengendalikan mesin sehingga anda tahu bagaimana ubat ini memberi kesan kepada anda.

## Kesan-kesan sampingan

Seperti ubat-ubatan lain, Mucoclear Syrup boleh menyebabkan alergi dan reaksi kulit. Berhenti menggunakan Mucoclear Syrup dan dapatkan bantuan perubatan dengan segera sekiranya anda mengalami kesan-kesan sampingan berikut:

Alergi yang teruk :- Kesukaran bernafas, pening, kulit bengkak.

Reaksi kulit yang teruk: Kulit kemerah-merahan, kulit melepuh, ruam, demam, sakit tekak atau kerengsaan mata.

Kesan sampingan lain seperti pedih ulu hati yang ringan, senak, loya dan muntah kemungkinan juga boleh berlaku pada sesetengah orang. Sila rujuk kepada doktor atau ahli farmasi jika anda mengalami kesan sampingan yang lain semasa mengambil ubat ini.

Anda boleh melaporkan sebarang kesan sampingan atau kesan advers ubat kepada Pusat Pemantauan Kesan Advers Ubat Kebangsaan melalui laman web [npra.gov.my](http://npra.gov.my) [Consumers → Reporting Side Effects to Medicines (ConSERF) or Vaccines (AEFI)].

## Cara penyimpanan dan pelupusan Mucoclear Syrup

### - Penyimpanan

Simpan pada atau di bawah suhu 30°C. Lindungi daripada cahaya.

- Pelupusan

Ubat-ubatan tidak harus dilupuskan melalui air buangan atau sisa isi rumah. Sila rujuk kepada ahli farmasi anda mengenai cara untuk melupuskan ubat yang tidak diperlukan lagi. Langkah-langkah ini dapat membantu melindungi alam sekitar.

**Maklumat lanjut**

- Rupa dan warna produk

Sirap jernih berperisa ceri.

-Bahan-bahan kandungan

- Bahan aktif

- Ambroxol Hydrochloride

- Bahan- bahan tidak aktif

- Sodium Saccharin
- Propylene Glycol
- Methyl Paraben
- Propyl Paraben
- Cherry Flavour
- Purified Water
- Glycerin
- Liquid Sorbitol

- Nombor MAL

MAL20001061X

**Pengilang**

Sunward Pharmaceutical Sdn. Bhd.  
No. 9,11 & 17, Jalan Kempas 4, Taman  
Perindustrian Tampoi Indah, 81200  
Johor Bahru, Johor, Malaysia.

**Pemegang Pendaftaran Produk**

Sunward Pharmaceutical Sdn. Bhd.  
No.9,11 & 17, Jalan Kempas 4, Taman  
Perindustrian Tampoi Indah, 81200  
Johor Bahru, Johor, Malaysia.

**Tarikh Kemaskini RiMUP**

12/11/2021

**Nombor Siri:**

NPRA(R4/1)131021/00076